

28. febrúar 1973.

141

Nr. 4.

AUGLÝSING

um gildistöku samkomulags milli Íslands, Danmerkur, Finnlands, Noregs og Svíþjóðar um samstarf á sviði flutninga og samgangna.

Hinn 6. nóvember 1972 var undirritað í Stokkhólmi samkomulag milli Íslands, Danmerkur, Finnlands, Noregs og Svíþjóðar um samstarf á sviði flutninga og samgangna. Var texti þessa samkomulags birtur sem fskj. með auglýsingu nr. 23 í C-deild Stjórnartíðinda 1972.

Hinn 16. þ. m. höfðu öll ofangreind ríki afhent sænska utanríkisráðuneytinu fullgildingarskjöl sín. Skv. 14. gr. samkomulagsins tekur það því gildi hinn 1. marz 1973.

Þetta er hér með gert almenningi kunnugt.

Utanríkisráðuneytið, Reykjavík, 28. febrúar 1973.

Einar Ágústsson.

Ingvi Ingvarsson.

2. marz 1973.

Nr. 5.

AUGLÝSING

um fullgildingu samnings um bann við sýkla- og eiturvopnum.

Hinn 15. febrúar 1973 voru í utanríkisráðuneytum Bandaríkjanna, Bretlands og Sovétríkjanna afhent fullgildingarskjöl Íslands að samningnum um bann við þróun, framleiðslu og geymslu sýkla- og eiturvopna og eyðingu þeirra, sem gerður var í London, Moskva og Washington hinn 10. apríl 1972 og undirritaður af Íslands hálfu sama dag.

Samningurinn tekur gildi, þegar 22 ríki hafa fullgilt hann.

Samningurinn er birtur sem fylgiskjal með auglýsingu nr. 8 24. apríl 1972.

Þetta er hér með gert almenningi kunnugt.

Utanríkisráðuneytið, Reykjavík, 2. marz 1973.

Einar Ágústsson.

Pétur Thorsteinsson.

C 18